

## **К ОПУБЛИКОВАНИЮ**

### **КОМИ РЕСПУБЛИКАСА ЮРАЛЫСЬЛӨН ИНДӨД**

#### **«КОМИ РЕСПУБЛИКАЛЫ 100 ВО»**

#### **Коми Республикалөн юбилейлы сиём медаль йылысь**

«Коми Республикаын наградаяс да ошкөмъяс йылысь» Коми Республикаса Оланпас серти да Коми Республика водзын заслугаясысь гражданаос ошкөм могысь шуа:

1. Урчитны «КОМИ РЕСПУБЛИКАЛЫ 100 ВО» Коми Республикалөн юбилейлы сиём медаль.

2. Вынсьөдны:

1) «КОМИ РЕСПУБЛИКАЛЫ 100 ВО» Коми Республикалөн юбилейлы сиём медаль сетан пöрадок да условияс 1 №-а содтöд серти;

2) «КОМИ РЕСПУБЛИКАЛЫ 100 ВО» Коми Республикалөн юбилейлы сиём медальлысь образец да опишитöм 2 №-а содтöд серти;

3) «КОМИ РЕСПУБЛИКАЛЫ 100 ВО» Коми Республикалөн юбилейлы сиём медаль дорö эскöданпаслысь образец 3 №-а содтöд серти.

3. Коми Республикаса Юралысьлөн Администрациялы могмöдны «КОМИ РЕСПУБЛИКАЛЫ 100 ВО» Коми Республикалөн юбилейлы сиём медальяс да на дорö эскöданпасъяс лöсьöдöмсö.

4. Тайö Индöдыс вынсялö сийöс кырымалан лунсянь.

Коми Республикаса Юралысь

В. Уйба

Сыктывкар

2020 вося вöльгым тöлысь 5 лун

120 №

ВЫНСЬӨДӨМА  
Коми Республикаса Юралысьлөн  
2020 во вольгым тöлысь 5 лунся 120 №-а Индöдөн  
(1 №-а содтöд)

**«КОМИ РЕСПУБЛИКАЛЫ 100 ВО»  
Коми Республикалөн юбилейлы сиём медаль сетан  
ПÖРАДОК ДА УСЛОВИЕЯС**

1. Тайö Пöрадокыс да условиеясыс (водзö – Пöрадок) ладмöдöны «КОМИ РЕСПУБЛИКАЛЫ 100 ВО» Коми Республикалөн юбилейлы сиём медаль (водзö – Медаль) сетöмкöд йитчöм юалöмъяс.

Медальсö урчитöма Коми Республика артмöдöмсянь 100 во тырöмсö кыпыда пасйöм могысь.

Медаль оз ло Коми Республикаса канму наградаөн да сетсьö 2021 во чöжөн.

2. Медальсö сетöны гражданы, кодъяс асланыс уджөн, канму, общественно-политическöй, наука, велöдан, культура, спорт, бурвöчан да мукöд уджөн могмöдöны Коми Республикалысь социальнöя да экономика боксянь сöвмöмсö, кодъяслөн уджыс ёна тöдчис Коми Республика сöвмöдöм, сылөн олысьяслысь оланногсö бурмöдöм, регионлысь престижсö да тöдчанлунсö кыпöдöм вылö.

3. Медаль сетöм йылысь ходатайствосö вöзйöны Коми Республикаса канму власьт органъясөн юрнуöдысьяс, Коми Республикаса мукöд канму органөн юрнуöдысьяс, Коми Республикаын кар кытшса либö муниципальнöй районса муниципальнöй юкөнлөн меставывса администрацияса юралысь (юрнуöдысь), организациясөн, öтйöза öтувьясөн юрнуöдысьяс (водзö – водзмöстчысьяс).

4. Кык либö унджык водзмöстчысь оз вермыны öтпырйö вöзйыны öти и сйö жö кандидатсö, кодлы колö сетны Медаль.

5. Коми Республикаса Юралысь ачыс вермö вöзйыны Медаль сетöм вылö кандидатöс.

6. Медаль сетöм йылысь ходатайствоыс оформитсьö тайö Пöрадок дорö содтöдын индöм форма серти (водзö – награда сетöм йылысь ходатайство).

Награда сетöм йылысь ходатайствосö гижöны печатнöя, сэнi оз позь вöчны торксьылöмъяс да веськöдöмъяс.

Тайö Пöрадоклөн 3 пунктын индöм водзмöстчысьясыс асьныс кывкутöны награда сетöм йылысь ходатайствоын индöм тöдмөгъяслөн стöчлунысь да збыльлунысь.

7. Сэк, кор Коми Республикаса Юралысь ачыс кыпöдö кандидатлы Медаль сетöм йылысь юалöмсö, Коми Республикаса Юралысьлөн Администрация (водзö – Администрация) оформитö Коми Республикаса Юралысьөн кыпöдöм награда сетöм йылысь ходатайство.

8. Водзмöстчысь ыстö награда сетöм йылысь ходатайствосö

сӧгласуйтӧм вылӧ:

а) Коми Республикаса канму власьт органӧн, Коми Республикаса мукӧд канму органӧн юрнуӧдысьлы (водзӧ – канму органӧн юрнуӧдысь), кодӧ видзӧдӧ лӧсялана отрасльын (веськӧдлан юкӧнын) организациялӧн (учреждениелӧн) удж бӧрся (координируйтӧ сійӧс), кӧнӧ кандидат збыльмӧдӧ (збыльмӧдӧс) удж либӧ йӧзкотыр удж, случайяс кындзи, кор водзмӧстчысьясӧн лӧӧны канму органъясьӧн юрнуӧдысьяс;

б) мукӧд случайын – Коми Республикаын кар кытшса либӧ муниципальнӧй районса муниципальнӧй юкӧнлӧн меставывса администрацияса юралысьлы (юрнуӧдысьлы) (водзӧ – меставывса администрацияса юралысь), кодлӧн мутасын кандидат збыльмӧдӧ (збыльмӧдӧс) удж либӧ йӧзкотыр удж, случайяс кындзи, кор водзмӧстчысьӧн лӧӧ меставывса администрацияса юралысь.

9. Канму органӧн юрнуӧдысь, меставывса администрацияса юралысь (водзӧ – шыӧдчысьяс) видлалӧны награда сетӧм йылысь ходатайствосӧ сӧгласуйтӧм вылӧ сылӧн воан лунсянь 30 лунысь оз дырджык.

Сӧк, кор награда сетӧм йылысь ходатайствосӧ сӧгласуйтӧма, шыӧдчысь оформитӧ кандидатлы Медаль сетӧм йылысь письмӧ-поддержка да ыстӧ тайӧ письмӧсӧ Коми Республикаса Юралысьлы награда сетӧм йылысь ходатайствокӧд ӧттшӧтш.

Сӧк, кор награда сетӧм йылысь ходатайствосыс оз лӧсяв тайӧ Пӧрадоклӧн 6 пунктса корӧмъяслы, шыӧдчысь бергӧдӧ сійӧс водзмӧстчысьлы подулалӧм вочакывйӧн бергӧдан помкаяссӧ индӧмӧн.

Водзмӧстчысь вермӧ выль пӧв сетны награда сетӧм йылысь ходатайствосӧ бергӧдан помкаяссӧ бырӧдӧм бӧрын, кутшӧмъясӧс индӧма подулалӧм вочакывйын.

10. Шыӧдчысь 2021 вося вӧльгым тӧлысь 15 лунысь оз сӧрджык сетӧ Администрацияӧ награда сетӧм йылысь ходатайство кандидатлы Медаль сетӧм йылысь письмӧ-поддержкакӧд ӧттшӧтш (водзӧ – награднӧй документъяс), да сылӧн воан лунӧ сійӧс пасйӧны Администрацияын делопроизводство котыртан пӧрадок серти, мый вынсьӧдӧма Администрацияӧн.

Сӧк, кор Администрацияӧ воӧм награднӧй документъясыс оз лӧсявны тайӧ Пӧрадоклӧн 6, 8 пунктъясса корӧмъяслы, Администрация тайӧ документъяссӧ пасьян лунсянь 15 лун чӧжӧн бергӧдӧ найӧс шыӧдчысьлы подулалӧм вочакывйӧн бергӧдан помкаяссӧ индӧмӧн.

Шыӧдчысь вермӧ выль пӧв сетны Администрацияӧ награднӧй документъяссӧ бергӧдан помкаяссӧ бырӧдӧм бӧрын, кутшӧмъясӧс индӧма подулалӧм вочакывйын, тайӧ пунктлӧн медводдза абзацын индӧм кадколастысь оз сӧрджык.

11. Награднӧй документъяссӧ, кутшӧмъяс лӧсялӧны тайӧ Пӧрадоклӧн 6, 8 пунктъясса корӧмъяслы, ыстӧны Коми Республикаса наградаяс серти комиссияӧ (водзӧ – Комиссия) да видлалӧны Администрацияын пасьян лунсянь 45 лун чӧжӧн Комиссия йылысь

положение серти, мый вынсьөдöма Коми Республикаса Юралысьöн.

12. Коми Республикаса Юралысь Комиссиялöн помшуöм подув вылын примитö татшöм помшуöмъясысь öтиöс:

1) награда сетöм йылысь ходатайство ошкöм йылысь;

2) награда сетöм йылысь ходатайство вештöм йылысь, мый йитчöма кандидатлöн Медаль сетан условиеняслы лöсвятöмлункöд, кутшöмъясöс урчитöма тайö Пöрадоклöн 2 пунктöн.

13. Сэк, кор Коми Республикаса Юралысь вештö награда сетöм йылысь ходатайствосö, Администрация сийöс вештан лунсянь 14 лун чöжөн гижöмөн юöртö та йылысь шыöдчысылы вештан помкаяссö индöмөн да бергöдö наградной документъяссö.

14. Медаль сетöм йылысь помшуöмыс оформитсьö Коми Республикаса Юралысьлöн тшöктöмөн.

15. Медальсö да сы дорö эскöданпассö кыпид обстановкаян награда босьтысылы веськыда сетö Коми Республикаса Юралысь либö мöд морт сылөн тшöктöм серти да сылөн нимсянь.

16. Мöд пöв Медальсö оз сетны. Медаль дубликатъяс оз сетсыны.

17. Медальяс да на дорö эскöданпасьяс лöсьöдöмкöд йитчöм рöскодсö сьöмөн могмöдöны Коми Республикаса республиканской сьöмкуд сьöм тшöт весьтö.

«КОМИ РЕСПУБЛИКАЛЫ 100 ВО»  
Коми Республикалөн юбилейлы сиём медаль  
сетан пöрадок да условиеяс дорö  
СОДТÖД

(форма)

«КОМИ РЕСПУБЛИКАЛЫ 100 ВО»  
Коми Республикалөн юбилейлы  
сиём медаль сетём йылысь  
**ХОДАТАЙСТВО**

1. Награда сетём вылö вöзьян мортлөн  
**ов, ним, вич** (эм кö) \_\_\_\_\_

2. **Чужан кадпас** (во, тöлысь, лун) \_\_\_\_\_

3. **Пасьян инлөн инпас** \_\_\_\_\_

4. **Чин, уджаланін** \_\_\_\_\_

(тырвийö, дженьдöдтöг,

организациялысь тыр ним индöмөн)

5. **Öтувья уджалан стаж** \_\_\_\_\_

5.1. **Отраслын уджалан стаж** \_\_\_\_\_

6. **Наградаяс, ошкöмьяс** \_\_\_\_\_

(награда сетан, ошкан восö индöмөн)

7. **Бырöдтём либö вештытём судимосьтлөн эмлун** \_\_\_\_\_

8. **Вештытём дисциплинарнöя мыждöмлөн эмлун** \_\_\_\_\_

9. **Торья заслугаяс дженьыда опишитём** \_\_\_\_\_

Организациян юрнöдысь  
организациялысь ним индöмөн

\_\_\_\_\_ (кырымпас)

\_\_\_\_\_ (ов, инициальяс)

20 \_\_\_\_\_ вося \_\_\_\_\_ « \_\_\_\_\_ » лун

П.М.

Пасйöд:

Кандидат йылысь став юöрсö колö меститны А4 формата öти лист бок вылö.

ВЫНСЬӨДӨМА  
Коми Республикаса Юралысьлөн  
2020 во вöльгым тöлысь 5 лунся 120 №-а Индöдөн  
(2 №-а содтöд)

«КОМИ РЕСПУБЛИКАЛЫ 100 ВО»  
Коми Республикалөн юбилейлы сиём медальлөн  
**ОБРАЗЕЦ ДА ОПИШИТÖМ**

I. «КОМИ РЕСПУБЛИКАЛЫ 100 ВО»  
Коми Республикалөн юбилейлы сиём медальлөн образец



II. «КОМИ РЕСПУБЛИКАЛЫ 100 ВО»  
Коми Республикалөн юбилейлы сиём медальлөн опишитöм

«КОМИ РЕСПУБЛИКАЛЫ 100 ВО» Коми Республикалөн юбилейлы сиём медальыс гöгрöс, диаметрыс 32 мм, кытш пыр йитöма тасыскöд, сылөн эм банладор да гугладор.

Банладорас серпасалöма Россия Федерацияса канму канпаслөн юкөн – кык юра кутшлөн юкөн, кодлөн бордйыс шевгöдöма вывланьö, мый вылын меститчöма Коми Республикаса канму канпас, а уддорас меститчö «РЕСПУБЛИКА КОМИ» гижöда чикыль лента.

Медальлөн гугладорын шöрас меститчö «100 лет» гижöд, гөгöрыс – лавр увьясысь юркытш.

Медальыс пыс да кытш отсöгөн йитчö фигурной планкаа веськыд пельöса тас дорö. Тассö эжöма куим рöма шöвк муарöвöй лентаөн Коми Республикаса Канму дöрапас рöм серти. Таслөн вылыс юкöнас серпасалöма национальной орнаментлысь элемент, кодöс шуöны «Шондi», уддорас – лаврлөн «зарни» увьяс, кодьяс гартчанiнас артмöдöны öтувтись кытш.

Крепитчö безопасной булавкаөн.

Быд пас упакуйтöма бархатөн эжöм футлярö.

ВЫНСЬӨДӨМА  
Коми Республикаса Юралысьлөн  
2020 во вöльгым тöлысь 5 лунся 120 №-а Индöдөн  
(3 №-а содтöд)

«КОМИ РЕСПУБЛИКАЛЫ 100 ВО»  
Коми Республикалөн юбилейлы сиём медаль дорö эскöданпаслөн  
**ОБРАЗЕЦ**

1. Эскöданпаслөн банладор  
(16 см x 10,5 см ыжда, рöм – пемыдгöрд,  
гижöдыс да Коми Республикаса канму канпасыс зарни рöма)



2. Эскöданпаслөн пытшкöсса шуйга да веськыд бокъяс

